

სამშობლოს

სამშობლოს წინსვლა გასაკვირველი,
მზის მხურვალეობა გარს რომ ავლია,
აი, პირველი! აი, პირველი –
რის სიყვარულიც მე მისწავლია.

შენს გამარჯვებას, ჩანგო, მოველი!
ოჰ, შენთან დღენი ჩემნი წარვლიან,
მედგარი ბრძოლა! – აი, ყოველი,
რის სიყვარულიც მე მისწავლია.

გავმლი ძვირფასი ლექსების კონებს:
რა სიუხვეა! რა სიმრავლეა!
გადამასწავლოს – ნურავინ ჰგონებს –
რის სიყვარულიც მე მისწავლია!

1933